Universal Declaration of Human Rights - Dinka, Northeastern

© 1996 - 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

Yïith e raan ci caal e pinynhöm

Ajokcok

Nä caa athëëk tö e baai thök e thai yic gäm ku yithkën thon tö e nyiinkën, kek aalau enhom ku thon, ku dör e pinynhom.

Ku nä ci yiith e raan mar ekɔc nhiim, ku dhalkek bi kuöc lööi bɛ̃i epion e raanic, ku aye raan thök eben waai bi bɛn epinynhom bi raan liɛ̃k e lau enhom e jamdeic, ku thëek yanhde, ku ci ben rioc, ku ηɔŋ.

Ku na pεth bi lööŋ raan aaköuny, bi raan cii nyany e rin eköuc löui ye löui yën, ku tεŋ enyin piny.

Ku nä ci wut ethai matyiic, yen gam e cök elööŋiic lön de raan yith tëëm kua thɛ̃ɛk, ku na thöŋ möc nhöm këk e tik e yithiic kua ci tëëm bik röt aaköuny bi pir piath baai ku lɛ̃u yic.

Ku na ci bëi tö akutic gam bik ka cin mat kek akut e mawuut epinynhom(UN), bik yith e raan ku lau enhöm kua thëëk aatiit.

Ku na ŋic eben lön e yith kak ku lau enhöm alëŋ köuny dit kua thëk e gëm gëm ken yic.

Ka kut dit adhël.

cööt ecëël ken yic erin yith e raan, erin yën e tën eröm ethai eben thin, ku(UN), wic bi raan tic e ciënic ku tëu ka nyiin piny ecëël ken yic, bi athëk eyith ku lau enhöm kak cök cökpiny edhöl epioc ku wëët ku cër cër ebaiyic ku pinynhöm bi bik tiit. epiny nhöm eben ekëm ebëi tö akutic, ku thai awën rër tö eke cin.

Wiën 1

Raan thök eben aye dhëëth ka lau nhöm kua thön nhiim eyithiic, kua thëkic, kua ci yëknhiethku puou, ku bik cën ka ke ye mith etik.

Wien 2

Raan eben alëŋ yic bi liëk eyithiic ku lau enhömic ecëël kenic ka ci tëktëk ethök etiël ekuat, ku kit, kemen thai ku thök ku yanh ethëëk ku wël ebai kmen wët dët löi e rɔt kemen bai ku ciëŋ bai kemen jɛɛk ku dhëth kemen kuat etau dɛt löi e rɔt ka cin tëktëk ethök ekɛm mö ku tik.

Ku cit te wen ci yen luel, acin tiel tö e wel ebai yic ku lööŋ ku kem ebɛi ku ten wen rër eraan thin pan cëŋ kemen ci cëën kemen aci röt mac eröt, kemen tö eraan dët cin.

Wien 3

Raan thök eben alɛŋ yic bi pir ku leu nhöm ku le laŋ.

Wien 4

Kuat eraan acii leu bi kool kemen bi loony kuat epɛc ku loony thok eben aci pëën.

Wien 5

Raan thok eben aciben e lëën kemen bi köuc yön ci min elai, keme bi joor bi ci thëk.

Wien 6

Raan thok eben kuat et ci yen yok thin alëŋ yic bi gam ka ye raan lëŋyic elooŋiic.

Wien 7

Raan thok eben aathon nhiim eloon nhiim, kua lën yic bi liek eköuny thon nhöm ka cin tiel bi loon kak tiit.

Wien 8

Raan thok eben alën yic bi luk ebanypanden nhiimbi yicde yok ci min eyith tuën e loon kek qam yen.

Wien 9

Ran thok eben aci leu bi döm kemen dampiny, kemen cöb ewëi baai edieny.

Wien 10

Raan thok eben alëŋ yic bi nhöm agit ka kɔc kɔk, bi luŋde tiŋ elüok pathiic bi yɛk yicde ekɔc nhiim ku kak ci gämröt, ku kuat emëny ci yen mëëny göup.

Wien 11

- 1. Kuat eraan ci mɛ̃εny, acin göup awuc ɣet te bi loŋ yen nyooth lon le yen göup awuc ekɔ̃c nhiim ku kony bi rot köuny bei.
- 2. Raan aci luk ewei erin eken ci löi kemen ci kuec bi löi, ke ce yen awuc ye loŋ ebaai nyooth, kemen loŋ epinynhöm, te wen yen looi yen rot thin.

Wien 12

Acin raan ekëëc epir eraande yic, kemen pande ku γonde kua thorkeiic kemen bi dhɔl ku rɛ̃c erin edieny, ku raan eben alɛ̃ŋ yic bi loŋ köuny ekak cit ekak yiic.

Wien 13

- 1. Raan eben alëη yic bi cëëth te wic ku löc te den erëër eγan akeu thok eben ebaai yic.
- 2. Raan eben alëŋ yic bi la te wic epiny nhöm agut panden kua lën yic bi dhok thin.

Wien 14

1. Raan eben alëη yic bi kook pandet, kemen bi them bi kook thin ka kat eköuc ciëη.

2. Kuat eraan ci kaŋ yath elukic awuc ca awuc ewel ebaai kemen bi lui eke ce röm kek elooŋ (UN), acii lëŋ yic bi liek eyic ken yic.

Wien 15

- 1. Raan eben alën yic bi rot yek anyööth lön eyen ran ebaai.
- 2. Aci leu bi raan pɛn wɛr erot edieny, kemen bi jai lön ci yende yic bi rot war.

Wien 16

- 1. Mɔc ku tik te ci kek roun ethëëk dööt, aalɛ̃η yic bik ker ebɔɛi ku löike mith ka cinic ale kemen yath kua lɛ̃η yiith thön nyiin ethiëkic ku loui yic ku pök yic.
- 2. Thiëk ci loi ka kic ekɔc thiëk rot gäm kua ci mëc ekek.
- 3. Mɔc ku tik kek aamaatic tuen ebaai, kua lɛ̃n yic bik liek eköuny baai ku baai nhöm.

Wien 17

- Raan eben alɛn yic bi lɛn kede erot, kemen bi rɔm kek kɔc kok.
- 2. Aci leu bi raan pëëc cin bɛi ekake edieny.

Wien 18

Raan eben alëŋ yic bi tak ka lau nhöm popuonde, yanhde kua lëŋ yic bi yanhde waric kemen ke ye thëëk kua lëŋ yic bi pioc ku yeknhöm ku nyooyh ku tiit ka thien keme ekɔc nhiim.

Wien 19

Raan eben alëŋ yic bi wetde luel ka lau nhöm kue yic ken egäm ewel ka launhöm ka cin raan la thin ku y'oŋ ewel ku tektek ku cɛɛl kek edhol ci takic ka ci luui aken ewuad.

Wien 20

- 1. Raan eben alëη yic bi mɛt akutic kua kuut la lik.
- 2. Aci leu bi kuat eraan mat akut ci wic yic eriel.

Wien 21

- 1. Raan eben alɔɛη yic bi lui miric panden bi kuany egai ekɔc ekuany.
- 2. Raan eben alen yic bi lui ci min ekuat eraan lui baai.
- 3. Ke wic kɔc ebaai yen eya rie e mir. ku ke wic kɔc kene ekueny kueny bi kam bi yaa weenic ekuany aliklik ka kɔc thön nhiim kemen bi loui te wen bi raan cuet ka lau nhöm.

Wien 22

Raan eben ka ye raan aakutt ekɔciic aalɛ̃ŋ yic bi köny ekɔc bai ku kɔc epinynhöm ka cit te ye panden ye loui thin ku yith epirde ku cieŋ ku wëët ci rot pal athɛkde yic la tuɛ̃ŋ ku thiek yicde.

Wien 23

- 1. Raan eben alëη yic bi lui ku kuany ka cit te wic e yen kua lεη yic bi köny bi lui.
- 2. Raan eben alɛŋ yic bi lui a riob thon nhöm eloi yic ka ci yic tiel.
- 3. Raan eben alëŋ yic bi riob ariob ci gam bi rot muk apth ku juak ekak awen bi pirde cɔkpiny.
- 4. Raan eben aleŋ yic bi dit ku mɛt akuic bi ka ke tiit kɔth.

Wien 24

Raan eben alen yic bi lon kemen bi cin lau ku nyoth enin ken eloi ku kol cin yen loi thin.

Wien 25

- 1. Kuat eraan alɛŋ yic bi pir ka piol goup ku mit puou ka pande ecampathic, kua leth ku ten enin ku ka wen ekɔc kouny baai kua lɛŋ yic bi pir cɔk nyinic ke cii yen lui, ku tuany, kemen ci bäl ku lɛɛr kemen ci dhiöb ku la kak awen epir mietic, ka leu yen cin thin.
- 2. Meth ku man alɛŋ yic bi kek köny ku muk kek apath ku mith eben athöŋ nhiim bi kek tiit baai mith dhëth mɔc kek ku mith e lim.

Wien 26

- 1. Kuat eraan alɛŋ yic bi pioc kua dhil epioc epath tueeŋ, ku pioc tueeŋ adhil emac eya nhöm, kua pioc etɛɛt ku loi loi ecin ku cɔl pioc den la tueeŋ apiolic, bi nhöm thöŋ ka jaŋ.
- 2. Ku wεεt ke ku bi thiekic ku thëk ka ye raan ku lau enhöm la tueeŋ e cieŋ ku pëlpiny ewel ku määth ekem e wuuut ku la kuut, ku köny thaai epinynhöm bi door muk.
- 3. Warken emith alsŋ yic bik mithken wɛɛt cit te wicke.

Wien 27

- 1. Kuat eraan alɛŋ yic bi mɛt ka lau nhöm epir ekɔc ebaai yic, ku bi liek etɛɛtic kua jueer erin ela tueen epioc ku bi kak bi ben bɛi yhin kɛc köuny.
- 2. Kuat eraan alεη yic bi ka path ku cieŋ ken epioc tiit.

Wien 28

Kuat eraan alɛŋ yic bi liek ecieŋ ekɔc epinynhömic, bi yithke ku lau enhöm ci nyooth ecɛɛl ken yic yok egai.

Wien 29

- 1. Raan eben adhil kɔc loui bi yen nyouth lon te yen ekɔciic bi dit ka lau nhöm.
- 2. Raan eben adhil yithke thaap ka kacit te ci loon yen nyouth thin bigɛmgɛm e yith e kɔc kök, ku lau e nhömde kua thɛkden, ku jɔl aathön nhöm e loiloi yiic, ku ka pɔth eyok eben ku jam aathɛɛk eciɛn ekɔc epaan ekɛc thon nhiim.
- 3. Aci rot kan lëu ather bi yith kak thaap ka ce te wen wic thai epiny nhöm ke thin.

Wien 30

Acin wεt lεu bi war kemen bi cɔkpiny e cεεl ken yic ku luel ala ka ci pan ken kemen raan ken aci looi bi lyiith ku lauenhöm ci bɛn thin rac.